



Broj: 04-23-25145-196/25
Sarajevo, 30.01.2026. god.

Ministarstvo saobraćaja Kantona Sarajevo, rješavajući po službenoj dužnosti, za privremenu izmjenu režima saobraćaja na saobraćajnicama u Kantonu Sarajevo na osnovu člana 77. stav (5) Zakona o cestama Federacije Bosne i Hercegovine (Službene novine FBiH", br. 12/2010, 16/2010 - ispr. i 66/2013), a u vezi sa a u vezi sa članom 52. Zakona o uređenju saobraćaja na području Kantona Sarajevo ("Sl.novine Kantona Sarajevo", broj 30/17, 46/17 i 01/22), člana 200. Zakona o upravnom postupku ("Sl.novine Federacije BiH", br. 2/98, 48/99, 61/22) donosi:

DOPUNSKO RJEŠENJE

Rješenjem ovog organa 04-23-25145/23 od dana 28.02.2023 kojim je odlučeno: "1. Daje se saglasnost na izmjenu režima saobraćaja u cilju izgradnje tramvajske pruge Hrasnica-Ilidža...", u skladu sa ranije dostavljenim elaboratom dopunjuje se:

1) Raskrsnica R1 (Butmirska cesta - Dr. Mustafe Pintola)

- na prilazu raskrsnici iz smjera kružnog toka Ilidža neophodno je izvršiti potpuno preusmjeravanje saobraćaja iz dvije saobraćajne trake za smjer prema Butmiru u lijevu saobraćajnu traku koja dolazi iz smjera Butmira a koja se prenamjenjuje u suprotan smjer; preusmjeravanje počinje kod objekta na adresi ul. Butmirska cesta broj 8 i završava kod broja 12
- dvije saobraćajne trake koje su služile za vožnju iz smjera Butmira se prenamjenjuju u dvosmjernu saobraćajnicu
- zabranjuje se skretanje iz ul. Butmirska cesta u ul. Dr. Mustafe Pintola iz svih smjerova; neophodno je koristiti alternativne pravce (najbliži alternativni pravac je udaljen 100m iz raskrsnice R2, iz ul. Rustempašina cca 500m, iz ul. Nova Butmirska cesta cca 300m)
- iz ul. Dr. Mustafe Pintola zabranjuje se skretanje lijevo, desno skretanje se odvija bez izmjena režima saobraćaja

2) Raskrsnica R2 (Butmirska cesta - Butmirska cesta; Općina Ilidža i Bingo City Center Ilidža)

- iz ulice Butmirska cesta smjer od kružnog toka Ilidža: omogućen je pristup navedenim objektima - iz ulice Butmirska cesta smjer iz Butmira: zabranjuje se lijevo skretanje prema navedenim objektima, neophodno je koristiti alternativne pravce (najbliži je kružni tok Ilidža udaljen 300m)
- iz ulice Butmirska cesta iz pravca BCC Ilidža: zabranjuje se skretanje lijevo (alternativa je raskrsnica R3 Hills udaljena 250m), obavezno je skretanje desno



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

1/2

- poslije R2 će se saobraćajna devijacija koja podrazumjeva dvosmjernan saobraćaj vratiti u normalan saobraćajni tok te prestaje regulacija po ovom rješenju
- 3) Javni gradski saobraćaj - autobuske linije za Sokolović Koloniju i Hrasnicu održavat će se izmijenjenim itinererom - Rustempasina - Hrasnicka cesta. Ostale linije koje prolaze predmetnim lokalitetom održavat će se izmijenjenim itinererom koji se tretira ovim rješenjem.